

## PRYCE-JONES, Syr PRYCE (PRYCE JONES hyd 1887; 1834 - 1920), arloeswr busnes archebu drwy'r post

**Enw:** Pryce Pryce-Jones

**Dyddiad geni:** 1834

**Dyddiad marw:** 1920

**Priod:** Eleanor Rowley Pryce-Jones (née Morris)

**Plentyn:** Mary Eleanor Pryce-Jones

**Plentyn:** Edward Pryce-Jones

**Plentyn:** Elizabeth Anne Pryce-Jones

**Plentyn:** William Ernest Pryce-Jones

**Plentyn:** Albert Westhead Pryce-Jones

**Plentyn:** Katharine Charlotte Pryce-Jones

**Plentyn:** Agnes Rosa Pryce-Jones

**Plentyn:** Henry Morris Pryce-Jones

**Rhiant:** William Jones

**Rhiant:** Mary Ann Jones (née Goodwin)

**Rhyw:** Gwryw

**Galwedigaeth:** arloeswr busnes archebu drwy'r post

**Maes gweithgaredd:** Diwydiant a Busnes

**Awdur:** Maurice Richards

Ganwyd yn Pryce Jones, 16 Hydref 1834, ail fab William Jones, cyfreithiwr yn Y Drenewydd, Trefaldwyn, a Mary Ann Goodwin, merch cefnder **Robert Owen**, y diwygiwr cymdeithasol. Wedi ei brentisio yn 12 oed i ddilledydd yn Y Drenewydd sefydlodd ei fusnes ei hun yn 1859, y flwyddyn y priododd Eleanor Rowley Morris. Cychwynnodd ei fusnes archebu drwy'r post drwy anfon patrymau at foneddigion lleol, wedyn restrïo nwyddau ac yn ddiweddarach gatalogau at bobl o bob dosbarth ym mhob rhan o'r byd, gan wahodd archebion drwy'r post. O'r 1860au ymlaen bu'n arddangos gwlanen enwog Y Drenewydd yn yr Eisteddfod Genedlaethol ac mewn arddangosfeydd pwysig yn ninasoedd mwyaf y byd - Paris, Brwsel, Berlin, Fienna, Melbourne, a Philadelphia yn eu plith - gan ennill nifer o wobrwyon a denu llawer iawn o archebion nes y gallai honni fod ganddo dros 300,000 o gwsmeriaid ledled y byd, gan gynnwys Florence Nightingale, y Frenhines Victoria, ac aelodau o ymron bob teulu brenhinol yn Ewrob. Gwnaeth ddefnydd helaeth o'r rheilffyrdd i ddosbarthu ei nwyddau, gan ddatblygu ei system post parseli ei hun a rhoi cyngor i'r llywodraeth cyn iddynt gyflwyno Mesur Parseli'r Swyddfa Bost 1882. Yn 1879 agorodd ystordy newydd, gwych ger gorsaf rheilffordd Y Drenewydd.

Urddwyd ef yn farchog ym mlwyddyn jiwbilli'r Frenhines Victoria (1887), pryd y newidiodd ei enw i Pryce Pryce-Jones. Cynrychiolodd Fwrdeistrefi Trefaldwyn fel A.S. (C) 1885-86 ac 1892-95, a bu'n Uchel Siryf ei sir yn 1891. Bu farw yn y Drenewydd 11 Ionawr 1920, a chladdwyd ef ym mynwent eglwys Llanllwchaearn.

### Awdur

**Maurice Richards**, (1921 - 1989)

### Ffynonellau

*The Biograph* (1880), 206-8

amryw rifynnau o *The Montgomeryshire Express*

### Darllen Pellach

T. Marchant Williams, *Welsh Members of Parliament, 1894* (Cardiff 1894)

Archifau LIGC: [To the Free and Independent Electors of the Montgomery Boroughs... 1880](#)

Archifau LIGC: [Montgomery Boroughs Election. Vote for Price Jones](#)

BBC News: [Christmas: The mail order pioneer who started a billion-pound industry](#) (cyrchwyd Rhagfyr 2020)

Erthygl Wicipedia: [Pryce Pryce-Jones](#)

Erthygl Wicipedia: [Edward Pryce-Jones](#)

Erthygl Wicipedia: Albert Westhead Pryce-Jones

Erthygl Wicipedia: Henry Morris Pryce-Jones

## Delweddau

John Owen, Major [Edward] Pryce Jones

## Dolenni Ychwanegol

Wikidata: Q7253236

**Dyddiad cyhoeddi:** 1997

**Hawlfraint Erthygl:** <http://rightsstatements.org/page/InC/1.0/>

PDF Argraffu Cyfeirnod

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.

frannu

Arddull APA

x

Richards, M., (1997). PRYCE-JONES, Syr PRYCE (PRYCE JONES hyd 1887; 1834 - 1920), arloeswr busnes archebu drwy'r post. *Y Bywgraffiadur Cymreig*. Adferwyd 9 Tac 2024, o <https://bywgraffiadur.cymru/article/c5-PRYC-PRY-1834>

Clippwr

Preifatrwydd a Chwcis  
Hawlfraint  
Y Prosiect  
Cymorth  
Cysylltu

LGC  
NLW

LLYFRGELL  
THE NATION



Nodi gan:  
Llywodraeth Cymru  
Sponsored by:  
Welsh Government